

Sail Aruba:

Un evento marítimo den fin di siman



Sail Aruba, e evento marítimo di mas grandi den area di Caribe, ta tuma luga desde 1 di mei pa 3 di mei riba nos isla. Riba e tereno di waf na Oranjestad tabata tin yen di bida cu actividad na tera, riba lama y den aire. Sail Aruba ta un iniciativa di Gabinete di Gobernador y e actividad aki a wordo teni den cuadro di celebracion di 200 aña di Reino.

Rey Willem-Alexander a duna e señal pa inicio di e celebracion aki riba 30 di november 2013. E intencion ta pa tene eventonan te cu october, di e aña aki. E topiconan tin di haci cu tur cos cu tin di haber cu local a sosode den Reino Hulandes den e ultimo dos siglonan.

Na Aruba e coordinacion di e actividadnan aki ta den mannan di Gabinete di Gobernador. Director di Gabinete Rajen Budhu Lall den declaracion duna a bisa cu "e celebracion di 200 aña di Reino ta bay riba e logronan democratico y soberania. Den esaki tres tema ta destaca, libertad personal, orientacion internacional y diferente unidadnan. Na Aruba e tema mester tabata relaciona cu awa. E lama grandi cu ta uni nos, e lama cu ta asina importante pa economia di Aruba. Na Hulanda e ta mas concentra riba e



lucha contra awa, mientras cu aki banda e ta awa como fuente di entrada." Marina Real ta brinda apoyo na Sail Aruba y pa un biaha no ta organisando e tradicional Dia Publico di kazerne riba prome di mei. E actividadnan cu normalmente ta wordo organisa eynan, como tambe e diferente demostracionnan, ta wordo combina cu Sail Aruba. Cuerpo di Marina e aña aki ta celebra su 350 aña di existencia y p'esey cu gusto ta forma parti di e celebracionnan aki.

For di prome te cu 3 di mei, haf di Oranjestad ta e principal podium pa un festi-

val cu un escala grandi di actividadnan. Henter un fin di siman largo lo no mira barconan crucero ni esunnan di carga, pa cual jong y bieunan lo por disfruta abordo di un di e barconan grandi cu ta den show, por mira pelicula den "Sail-in-Cinema" di e diferente tipo di belanan, of por presencia careda di botonan miniatura. Den e haf di container a crea un espacio pa teatro, unda cu un version special di e exatos obra musical Soldaat van Oranje ta wordo presenta. Den un show cu 50 minuut di duracion ta presenta e principal puntonan di e obra, cu atencion special pa e heroe Arubano di



resistencia Boy Ecury. Esunnan cu kier huy un rato di e masa, por dal un caminata rond di e monumentonan y museo den bisindario. Rey Willem-Alexander y Reina Maxima, riba invitacion di Gobernador Fredis

Refunjol, a realiza un bishita na Sail Aruba. Nan a biahunto cu Minister di Asuntonan Interior y Relacionnan di Reino Ronald Plasterk y presidente di e Comision Celebracion 200 aña di Reino, Ank Bijleveld. E delega-

cion lo ta henter dia den haf y pa cera e dia a disfruta di Soldaat van Oranje – e obra musical y e show di vuurwerk. Na calculacion tabata tin rond di dies mil bishitante, y e comentario cu a wordo lansa ta no tabata tin suficiente wowo

pa mira tur loka tabata tin riba haf. E cuminda di lama tabata t'ey den e festival di cuminda, aki diferente restaurant a participa. Esunnan cu kier a come un plato fresco di pisca riba grill, por cumpra esaki cerca un di e piscadonan local y laga prepara esaki bou di e tentnan

cu ta haci cuminda. Renaissance Market Place a uni su mes na e fiesta cu menu special den tur su establecimentonan combina cu actividadnan pa muchanan y musica.